



ՄԱՅՐ ԱԹՈՒ ՍՈՒՐԲ ԷՋՄԻԱԾՆԻ ԳԵՐԱԳՈՒՅՆ
ՀՈԳԵՎՈՐ ԽՈՐՀՐԴԻ ԸՆԴՀԱՅՆՎԱԾ ՆԻՍՏ
ՎԵՀԱՐԱՆՈՒՄ

Սույն թվականի սեպտեմբերի 26-ին Վեհաբանում, Վեհափառ Հայ-րապետի բարձր նախագահությամբ, տեղի ունեցավ Գերագույն Հոգևոր Խորհրդի ընդլայնված նիստ, որին ներկա էին Գերագույն Հոգևոր Խորհրդի անդամներ Ս. Սիոն արքեպս. Մանուկյանը (ատենապետ), Ս. Թորգոմ արքեպս. Մանուկյանը, Ս. Հուսիկ արքեպս. Սանթրոսյանը, Ս. Զավեն արքեպս. Չինչինյանը, Ս. Վաչե արքեպս. Հովսեփյանը, Ս. Ներսես արքեպս. Պողապալյանը, Ս. Գարեգին եպս. Ներսիսյանը, պրն. պրն. Արմեն Բարսեղյանը, Հակոբ Փափսզյանը, Պիոն Հակոբյանը և Պարզև Ծահբազյանը (քարտուղար):

Նիստին հրավիրված էին նաև Ս. Տիրայր արքեպս. Մարտիկյանը, Ս. Գյուտ եպս. Նազգաշյանը, Ս. Արսեն եպս. Բերբերյանը, Ս. Նարեկ եպս. Ծաքարյանը, Ս. Գևորգ եպս. Սերայդարյանը, Ս. Ոսկան եպս. Գալփաթյանը և Ս. Գրիգորիս եպս. Բունիաթյանը:

Նիստի մասնակիցները, ի թիվս օրակարգում դրված այլ հարցերի, քննարկեցին նաև Հայաստանյայց Եկեղեցու եպիսկոպոսաց ժողով հրավիրելու հարցը: Այդ կապակցությամբ որոշվեց 1988 թ. հոկտեմբեր ամսին Մայր Աթոռում գումայել եպիսկոպոսաց ժողով՝ հիմնավորապես քննարկելու համար Հայ Եկեղեցու առաջ ծառացած մի շարք հրատապ հարցեր, ինչպես՝

- ա. Հայ Եկեղեցու կանոնադրության հարց:
- բ. Կուսակրոնության կարգի վերաբերյալ հարցեր:
- գ. Դիակիզման հարց:



ԱՄԵՂԱՅՆ ՀԱՅՈՑ ՎԵՀԱՓԱՌ ՀՍՅՐԱՊԵՏԸ Ս. ԷՋՄԻԱՇՆԻ ԳԵՐԱԳՈՒՅՆ ՀՈԳԵՎՈՐԽՈՐՀՐԴԻ ԸՆԴՍԵՆՎԱԾ ԴԻՍԻ
ՄԱՍՆԱԻ ԻՑՆԵՐԻ ՀԵՏ ՎԵՀԱՐԱՆԻ ՇՐԱՄՈՒՏՔԻ ԱՌՋԵՎ

(26 սեպտեմբերի 1958 թ.)